


Lectio Divina

“Klosan, Ha'u dehan ba ó, hamríik bá ” (Mt 25,40)



FMA TIN 2019

*Invokasaun ba Espíritu Santu.: Veni Sancte Spiritus***LECTIO: Lc 7,11-17**

«Tuir mai Nía ba sídade ida naran Naim. Nía eskolante síra no ema lubun boot tuir Nía. Wainhira Nía besik ona sídade nía odamatan, ema lori atu hakoí foín-sa'e ida, ne'ebé feto faluk ida nía oan mane mesak. Ema barak husi sídade ba hamutuk ho feto ne'e. Haree tiha nía, Na'i hanoín nía ho laran, dehan: "Keta tanis!" Nía hakbesik, hodi kona kaixaun. Síra ne'ebé lori nía para tiha. Hafoín nía dehan: "Klosan, Ha'u dehan ba ó, hamriik ba!" Ema mate ne'e hadeer tiha, hodi tur no hahú ko'alia. Jezús saran nía ba nía inan. Ema hotu hakfodak hodi hahi Na'i Maromak, dehan: "Profeta ida mosu tiha iha ita nía leet; Maromak mai haree tiha nía povu!" Lia kona-ba Nía naklekar ba Judeia tomak no ba rai hot-hotu besik ne'ebá».

Fatin milagre nian: Naim, la dook husi knua Sunem, iha-ne'ebé Eliseu fó moris-hi'as ba feto ne'ebé simu nía iha nía uma (2Re 4,18-37). Naim ne'ebé signifika «fatin ksolok, delisiozu», mak knua ida iha Gailieia kraik, iha tasi-mane Nazaré nian, kilométu 40 husi Kafaranum.

Evanjelista Lucas de'it mak haktuir epizódriu ida-ne'e. Hanesan ita hatene Lucas mak evanjelista ne'ebé apresenta Jezús mizerikórdia no ternura iha terus nía oin. Depoizde diskursu iha rai-tetuk kona-ba rahun-di'ak síra (Lc 6, 20-49) Lucas hakerek ema senturiaun nía



Ita mak laran-di'ak no ternura Aman Maromak nian
 ne'ebé mai vizita ha'u
 hanesan loron ne'ebé mosu iha leten aas bá.
 Ita ne'ebé iha Naim nakfilak
 matan-been sira iha ksolok,
 haraik mai ha'u fuan ida ne'ebé iha kbiit
 atu iha kompaixaun
 ba ema seluk nia mizéria,
 fuan ida ne'ebé moris ba domin
 ba Ita no ba maluk sira.
 Halo ha'u haka'as an atu hakmaan
 ema hotu ne'ebé ita tau iha ha'u-nia dalan
 sira-nia susar.
 Konsola sira ne'ebé tanis,
 haraik kbiit ba moras sira,
 hanoim ema sira
 ne'ebé ema hotu haluha.

EMPEÑU

Proposta mak halo asaun solidária ba feto-faluk ida ka foin-sa'e
 ida ho naran/oin konkretu ida ne'ebé iha nesesidade. Motivasaun
 ba prezensa solidária besik ba ema kiak mak sai sinal Maromak
 ne'ebé hadomi, Kristu laran-sadia ne'ebé moris no soi ita.



atan ne'ebé hetan isin-di'ak (7, 1-10) no test ida-ne'e kona-ba feto
 -faluk nia oan mane-klosan ne'ebé moris hi'as husi mate; hafoin
 mai delegasaun ida João Batista nia eskolante sira ne'ebé husu se
 Jezús mak Mesías ne'ebé sira hein. Jezús bele hatán ba sira ho
 realidade faktu sira-nian, katak: "Imi bá fali hodi hateten ba João
 buat ne'ebé imi haree no rona: ema matan delek sira haree... ema
 mate sira moris hi'as fali" (7, 18-21). Milagre sira-ne'e haktuir
 katak nia mak Mesías.

Personajen prinsipál mak feto-faluk ne'ebé molok ida-ne'e tanis
 tiha ona ba nia la'en nia mate. Oras-ne'e terus boot ida tolan tan
 nian: moris rua, nia oan-mane nian no ninia, iha kaixaun ida de'it
 nia laran/ Nia mak ilas pobreza boot liu humanidade maksalak nian
 bainhira ne'ebé hasoru ninia Makso'in.

MEDITATIO

«Jezús bá sidade ida naran Naím. Nia eskolante sira no ema lubun boot tuir Nia». Sira-nia grupu mak haksolok ne'ebé bá sidade seluk ho laran-kmaan. Maibé sira-nia prosisaun hasoru ho prosisaun seluk iha odamatan sidade Naím nian. "Nia besik ona sidade nia odamatan, ema lori atu hakoí foín-sa'e ida, ne'ebé feto faluk ida nia oan mane mesak. Ema barak husi sidade ba hamutuk ho feto ne'e». Prosisaun ba hakoí foín-sa'e ida, oan-mane mesak feto-faluk ida nian!

Ida-ne'e mak halo konfuzaun no laran-susar ne'ebé dalabarak ita rasik koko. Akontese katak ita simu lia-rekadu mate nian durante festa ida: ita-nia ksolok hotu lakon. Dalaruma ita hamnasa maka'as no la nota katak ema lori hela mate ida ba hakoí no ita sente kasian... Ne'e atu dehan de'it katak ita-nia ksolok frajil liu.

Eskolante sira-nia konfuzaun no laran-susar, ne'ebé Jezús mós koko, lori ita atu sai konxiente katak iha minutu ida ita bele lakon buat hotu. Moras ida, asidente ida, dezastre naturál ida no ita lakon buat hotu. Minutu ruma molok iha prosisaun ida knananuk no dansa nian; minutu ruma tuirmai ita horik iha ema sira ne'ebé tanis nia leet.

Maibé Jezús komprende ema nia frajilidade sira. Nia la ta'uk frajilidade no Nia rasik hatene katak destinu mate nian hein Nia. Maibé iha frajilidade ida-ne'e bele haree sinal beleza nian. Nia fuan hatene tau hamutuk frajilidade no beleza. Jezús hatudu kompaixaun

konsolasaun no foín-sa'e sira ne'ebé iha mate laran ne'ebé ita presiza fó moris, fó liafuan, ohin-loron nian?

- * Ita rona Papa Francisco nia provokasaun ida-ne'e:

“Karik «ita sira ne'ebé moris laho nesidade boboot la hatene ona tanis. Realidade balun moris nian bele haree de'it ho matan ne'ebé matan-been hamoos tiha. Ha'u konvida imi ida-idak atu husu ba an rasik: Ha'u aprende tanis, bainhira haree labarik ida hamlaha, labarik drogada ida iha lurón, labarik laho uma, labarik ida ema abandona, labarik ida ema abuza, labarik ida sosiedade uza nu'udar atan? Ka ha'u -nia tanis mak tanis kaprixu nian tanba hakarak iha buat ruma tan?» Buka aprende tanis ba foín-sa'e sira ne'ebé moris aat liu ha'u-nian. Tanis mak espresaun laran-sadia no kompaixaun nian mós. Matan-been la mosu karik, husu Na'i atu haraik ba imi grasa atu tanis ba ema seluk nia terus. Bainhira ó bele tanis, ó bele halo buat ruma ba ema seluk, husi ó-nia fuan” (Christus Vivit 76).



ORATIO

Oh Jezús, ha'u hana'i no hahi Ita tanba Ita mak mizerikórdia ne'ebé mai hasoru ha'u-nia mizéria,

dehan ho modu esplísitu: laiha agradesimentu esplísitu husi inan no la iha mós husi oan; fó hanoín de'it kona-ba povu ninia lafuan hahí no Jezús nia naran boot ne'ebé habelar iha fatin tomak. Maibé furak bele hanoín katak, iha moris ita labele devolve, seluk buat dí'ak ka rikusoín ruma ita simu, maibé ita bele manteín ka raí nafatin iha fuan kapasidade no ksolok agradesimentu nian.

Papa Francisco iha Exortasaun CHRISTUS VIVIT afirma: "Iha kondisaun naran de'it sira hela bá, ohin ha'u hakarak haklaken ba foin-sa'e buat ne'ebé importante liu, buat ne'ebé ita nunka bele nonok de'it. Ne'e mak lia-menon ne'ebé iha lia-loos boot tolu ne'ebé ita hotu presiza rona nafatin" (Christus Vivit 111). "Lia-loos dahuluk ne'ebé ha'u haklaken ba imi ida-idak mak ne'e: «Maromak hadomi»" (Christus Vivit 112). "Lia-loos boot daruak mak Kristu, tan domin, sakrifika nia An tomak atu salva ó." (Christus Vivit 118). "Ikus mai, iha lia-loos datoluk, ne'ebé la bele haketak husi lia-loos daruak: Kristu moris!". (Christus Vivit 124).

Ho Amu-Papa nia provokasaun ne'e, mai ita lori lia-loos ne'e ba foin-sa'e sira no ema hotu ne'ebé presiza!

ATU REFLETE NO FAHE:

- * Ohin-loron, ho mate oioin no destruisaun oioin, oinsá mak Maromak moris nian hatudu nia An?
- * Sé mak feto-faluk sira ne'ebé ita presiza fó hikis ksolok

ba mundu ne'ebé liu laís, kriatura sira ne'ebé frajíl, ho destinu mate nian, maibé Nia hadomi ho modu pesoál.

Oan-mane ida nia mate

Lucas haktuir katak iha «oan-mane» foin-sa'e ida ne'ebé mate.

«*Ema lori atu hakoí*». Ne'e mak asaun ikus depoizde loron sira tanis no lutu nian... despedida todan bai nan ida-ne'e: sei hasai husi nia, no sei hela de'it mak rekordasaun. Momentu boot terus nian hamutuk ho dezesperu tanba la iha ona ema ne'ebé nia hadomi, nia isin mós hasai husi nia. Rate mak fatin ida de'it atu tanis, raí ida mesak nia iha, domin ida mesak nia iha.


Kona-ba foin-sa'e ida-ne'e la fó sai mós nia naran, nia tinan, la iha sinál ida atu identifika nia. Nia mak ilas mate injustu: símbolu istória moris sira ne'ebé ema halakon, harahun.

Oan ida nia mate muda orden naturál sasán sira nian, ritmu loos moris nian, difisil atu hetan razaun ida. Iha-ne'e sai grave liután: nia oan mesak, laen mate sedu, nune'e trájiku liután... Ita bele imajina oinsá inan ne'e hadomi liu oan-mane ida-ne'e. Nia sai ba inan ne'e nia rikusoín tomak, nia ksolok moris nian, ninia futuru, apoiu ida mesak, seguransa ba ninia moris-mesak/solidaun.

Kona-ba feto ne'e mós la dehan buat ida kona-ba nia. Ita haree nia iha ema lubun-boot: nia mak uluk liu iha fileira prosisaun nian. Ita la presiza dehan katak nia dezesperada. Lucas la dehan mós katak

nía tanís. Nínia solidaun totál, maskí iha ema lubun boot hamutuk ho nía. Buat ida de'it ne'ebé konta la iha ona. Nía la lakon de'it oan. Nía lakon buat hotu. Nía feto-faluk, no ida ne'e signifika nia moris remata ona.

Jezús hakbesik



Jezús tama iha grupu prosisaun hakoí mate síra-nia leet. Haree nia, Na'i sente kompaixaun boot "hanoín nia ho laran" no dehan: «Keta tanís!». Entre Jezús no feto ne'e loke espasu ida intimidade nian, no ema lubun-boot la konta ona buat ida.

«Haree tiha nía», hatudu katak

Jezús haree ema pesoalmente, haree de'it mak nia: fó híkas fali relasaun pesoál ba ida ne'ebé lakon buat hotu. Nía haree tebes duni: la haree hanesan ema seluk haree, la haree hanesan kazu triste ida, maibé haree ema ida. Jezús dalabarak kria espasu vitál, pesoál maskí iha ema lubun boot nia klaran.

No Jezús dehan keda ba nia: «Keta tanís». Nía dehan liafuan ne'e tanba Nía iha liafuan ne'ebé hakat liu matan-been síra. Iha kapitulu 8, iha labarik feto ne'ebé mate mós Jezús dehan «keta tanís». Maski nune'e, Jezús rasik tanís iha nía belun Lázaro nia mate ka tanís ba

Restitúisaun "liafuan" nían

Foin-sa'e ne'ebé foin hadeer husi mate, hahú ko'alia. Ne'e mak reasaun espontánea dahuluk, nínia modu atu afirma ba an rasik no ba ema seluk kona-ba realidade moris ne'ebé liuhusi milagre hahú suli iha nia. Lucas la dehan kona-ba konteúdu nínia liafuan síra nian. La'ós importante atu hatene. Buat ne'ebé desízivu mak komprende oinsá «fó moris» la'o hamutuk ho «fó liafuan»: fó liafuan ba ema seluk signifika fó moris, signifika afirma nínia ezisténsia, nínia dignidade, nínia importánsia.

Ksolok fó liafuan ba ema, husik atu ema seluk dehan buat ne'ebé nia hanoín, rona nia. Ksolok atu nonok atu ema seluk bele konta nínia istória, rona atu ema seluk sente ita rona nia, renunsia atu dehan buat barak atu ema seluk bele fó nu'udar don buat ruma husi nínia an. Ema sente konfuziun hasoru ema ne'ebé nafatin iha buat ruma atu korrije ka aumenta, atu klarifika no haloos; ema síra ne'ebé nafatin hakarak dehan liafuan ikus, ne'ebé lakon sasukat kona-ba bainhira bele ko'alia no bainhira mak presiza rona no nonok. Maski sei iha buat barak atu dehan, presiza hatene nonok. Grasa ida mós atu rona Maromak nia Liafuan ne'ebé mai husi maluk ida nínia ibun no nia moris: ksolok síra ne'e mai husi devolve don liafuan nian.

Ksolok agradece nían

Furak mós bele devolve ema seluk ba gratidaun. Testu ida-ne'e la

ema balun ne'ebé hatudu kapasidade atu kura kanek ho pasiénsia, iha kbiit atu ho pasiénsia halo «fizioterapia espíritu nian» no akompaña ema sira ne'ebé moris rahun hodi bá hasoru naroman. Ne'e mak oportunidade di'ak ida ba sira-ne'ebé hakarak tuir Mestre: oferese ksolok iha terus nia leet.

Ksolok restituísau nian

Lucas nia testu konvida atu foti ksolok restituísau (devolve) nian. Uluknanai ksolok atu fó hikas ema ba domin, katak oferese istória moris ida oinseluk ba nia. Ita haree tiha ona katak milagre akontese bainhira entrega foin-sa'e ne'e ba nia inan. Basá, ba saida loos moris foun se tenke moris mesak?

Iha ita-nia moris no misaun ita hasoru labarik, foin-sa'e no ema boot sira ne'ebé kanek iha sira-nia afetu/domin, sofre traisaun; balun sofre violénsia oioin iha sira-nia moris íntimu liu; balun fali la simu domin (tan ta'uk, ka razaun lubuk ida) ka simu «edukasaun» ida maka'as, rijida no suspeitoza to'o halo sira haloot ka tau sees sira-nia sentimentu, emosaun, no relasaun kle'an sira. No ksolok boot bainhira ita komprende katak maski iha istória terus ka trauma nian, domin la mate. No sei buras ho forsa tomak. Furak atu haree ema sira nafunan, sira-nia oin haksolok no muda, moris fali tanba domin ka afetu ida fó hikas moris ba sira. Ita balun karik hetan ksolok moris nian simplesmente tanba ema hadomi ita, no laran-di'ak mai husi nia fó fali kapasidade mai ita atu hadomi.

sidade Jerusalém. La'ós katak nia la gosta matan-been ka labele tanis. Buat ne'ebé importante mak korajen atu dehan katak matan-been sira la'ós liafuan ikus iha ema ida nia moris. Iha tempu ida ne'ebé hakak liu matan-been sira.

Lucas deskreve Jezús nia kompaixaun, sentimentu forte ne'ebé Mestre iha, motor ne'ebé dudu ninia asaun barak. Jezús bele dehan ba ema seluk «keta tanis» tanba Nia mós tanis, tanis iha nia fuan; nia koko iha nia laran inan nia terus no nia matan-been. No Nia tama iha terus ne'e hodi la halai, ho jestu sira mizerikordia no moris nian.

Uluknanai nia hakbesik an; Nia la halai, Nia la sees. Nia hela. «“Nia hakbesik, hodi kona kaixaun. Sira ne'ebé lori nia para tiha. Hafoin nia dehan: “Klosan, Ha'u dehan ba o, hamriik ba!”». Nia kona foin-sa'e moris-laek, hanesan hapara mate ne'ebé hakarak lori nia; Nia la tau'k mate.

No ko'alia ba nia pesoalmente. «Ha'u dehan ba ó». Ba sé mak Nia tenke dehan? Iha sensu/sentidu ko'alia ba matebian ida? Ba Jezús iha sentidu ko'alia ba mate, tanba nia lian no nia liafuan maka'as liu mate.

Nune'e mak mosu milagre moris-hi'as nian: “Ema mate ne'e hadeer tiha, hodi tur no hahu ko'alia”. Foin-sa'e ne - ne'ebé Jezús halo moris - la hamriik, maibe tur, hanesan atu dehan katak milagre seidauk kompletu. Nia hahu ko'alia: dehan liafuan ida, la'ós hahi ba Maromak, karik nu'udar reasaun ba ta'uk. No ikusmai entrega ba nia inan: “No Jezús entrega ba nia inan”.

Iha-ne'e mak akontese milagre : bainhira foin-sa'e ne'e la moris hi'as de'it maibé, entrega ba mundu ninia domin/afetu nian. No halo nia sai husi solidaun ne'ebé mate hotu lori ho nia. Nia hetan fali moris maski moris ida nafatin marka ho frajilidade, marka ho ta'uk ba buat ne'ebé akontese no agradesimentu ba milagre.

HUSI LIAFUAN MAI KSOLOK

Istória moris-hi'as nian sempre fó mai ita ksolok ida ne'ebé difisil, tanba ksolok ne'e sai tasak liuhusi esperiênsia mate nian, iha terus, tanis no matan-been nia laran. Lucas oferese mai ita, koordinada interesante ruma atu bele halibur ksolok iha laran-terus nia laran.

Ksolok atu hatene katak ema komprende ita

Indikasaun dahuluk mai husi Jezús nia hateken. Iha konfuzau nia laran, nia haree buat ida mesak ne'ebé importante: inan nia matan-been. Se ita halo esperiênsia hanesan, ita labela haluha. Iha ema ida ne'ebé haree ita-nia tanis, komprende, halibur matan-been sira ne'e. Nia to'o iha ita-nia fuan, hatene oferese ninia domin iha situasaun trájika nia laran. Iha ksolok katak ema komprende ita. Bainhira Jezús haree feto ne'e no dehan ba nia «keta tanis», seidauk akontese milagre, oan seidauk moris hi'as. Seidauk iha ksolok boot moris-hia's nian, maibé iha konsolasaun. Ema ruma iha interesse ba ha'u-nia matan-been sira. Nia la mai atu fó kondolênsia hanesan lisan baibain halo, la'ós tan dever iha eventu ida lutu nian. Ka tanba halai

tuir emosaun kolektiva ba lutu ida ne'ebé ema la hein no halo ema hotu hakfodak.

Nia iha ne'e, no haree ha'u. Ksolok ida-ne'e ksolok difisil ida ba ida-ne'ebé oferese kosolasaun, no mós ba ida-ne'ebé simu. Lo la taka an iha tristéza ne'ebé labela kura. Husi feto-faluk Na'im nian ita foti ksolok atu sente ema komprende no forsa atu husik ahi-lakan ki'ik-oan leno nakukun trajédia ida ne'ebé la nahas.

Hakat liu tanis

Motivu daruak ksolok nian: iha posibilidade moris nian aleinde matan-been sira, hakat liu akontesimentu terus nian.

Iha feto-faluk ida-ne'e Evanjellu ko'alia kona-ba posibilidade atu simu moris kompletu/tomak. Maibé iha moris baibain la'ós nune'e. Maibé ita bele hakat liu tanis. Ita bele haree iha ita-nia esperiênsia rasik. Ita balun, konserteza, uluk ema ruma tulun ita atu hamriik fali depoizde situasaun terus ida, ita halo espriênsia kona-ba ema seluk nia pasiênsia ho ita depoizde eventu ida ne'ebé taka ita-nia fuan. Neineik-neineik nia hanorin ita atu hamnasa fali, atu hetan fali gostu ba sasán sira, atu haksolok ho rikusoim ki'ik no boot moris nian. Iha

